

SARS E GOLEGILE CRYSTAL METH YA 198.49 KG YA TEKANYETŠO YA R2-MILLION

PRETORIA, Mošupologo 13 Mei 2019 – Mesong ya maabane ka mahube, Baofisiri ba Khastom ba Ditirelo tša Motšhelo tša Afrika Borwa (SARS) ba thibetše mosepedi wa mosadi yo a bego a leka go kwefa ka crystal methamphetamine (meth) ya 198.49 kg, yeo e akanyeditšwego go R2-million, ka Afrika Borwa kgorong ya lebopo la Beitbridge.

Tiragalo ye e diregile ge mosepedi wa mosadi yo a bego a swere makase a mabedi a merwalo a ilego a kgopelwa go bea merwalo ya gagwe ka lefelong la Tlathhobo ya Merwalo la Khastom. Ka nako ya tlhathlobo ya sebele, sephuthelwana se se šweu sa go swana le kristale sa go phuthelwa ka mekotlana ya go kgabišwa ka mebalabala le plastiki se ile sa hwetšwa, se swere dilwana tšeo di ilego tša laetša phosethifi ge go dirwa diteko.

Dithoto di ile tša golegwa gape tša romelwa go Ditirelo tša Maphodisa tša Afrika Borwa (SAPS) bakeng sa polokego le go dira dinyakišišo tša go iša pele, gomme mogononelwa o ile a golegwa. Dinyakišišo tša pele di laeditše gore mosepedi o fofile go tšwa moše wa mawatle go tsena ka naga mabapi, gomme a leka go tsena ka Afrika Borwa ka pese ka lebopo la Beitbridge. Maphodisa a kgauswi a ile a fetišetša molato go ba Hawks bakeng sa dinyakišišo tša go tsenelela. Mogononelwa o letetšwe go tšwelela ka Kgorotsheko ya Maserata ya Musina lehono.

Tshepetšo ye ya katlego e diregile ka lebaka la tirišanommogo ya go ya go ile magareng ga SARS le diagente tše dingwe tšeo di theilwego go taolo ya tiišetšo ya mabopo, tšeo di dulago di ikemišeditše go šireletša mabopo a rena le go nolofatša kgwebišano ya mannete.

